

Potentaten sich solches wercks des ma-  
lens / von anfangen angenommen / nütz-  
liche / rechtmessige / vnd dem gemeinen  
besten sehr notwendige satzungen vnd  
Wählordnungen constituiret, vnd je-  
derman zu steuer öffentlich publici-  
ren lassen.

Anlangende aber das Wählwerck/  
ist wol zu mercken / daß die lieben alten  
vor vndenklichen Jahren / nicht mit so  
leichter mühe vnd geringschetziger Ar-  
beit / als wir zu den jetzigen vnsern zei-  
ten / ihr Korn vnd Früchte / welche sie  
zum Brodt gebrauchet / mahlen vnd  
zu Mehl machen können / sondern die-  
weil sie von solchem geschwinden vnd  
kunstreichen mahlen nicht gewust / als  
haben sie im anfangen das Korn mit gros-  
ser müheseligkeit zum backen zugerich-

A ij

tet /